



Mette A-Hammeken
Inatsisartunut ilaasortaq, Naleraq

§ 37 naapertorlugu apeqqummut nr. 55/2026-mut akissut

Aluu Mette A-Hammeken

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaaakka. Apeqqutit issuarneqartarput tamatumalu kingorna akineqarlutik.

Ulloq: 15-04-2026
Suliap normua: 2026 - 6945
Allagaatip normua: 26410134

Postboks 1160
Oqarasuaat: 34 50 00
Fax: 34 55 05
3900 Nuuk
Emaili: pn@nanog.gl
www.naalakkersuisut.gl

1. Ittoqqortoormiuni ataavartumik ataatsimik nakorsaqaalissappat qanoq akeqassava?

Akissut:

Kalaallit Nunaanni Peqqinnissaqarfik akissutinut ilassuteqarpoq.

Nakorsaq immikkut ilisimasalik aggerasuaqquneqarnissamut sillimasussaataaangitsoq akissutini ataani allaqqasuni assersuutigineqarpoq. Tassa nakorsaq ulluinnarni ullaakkut arfineq-pingasuniit ualikkut sisamat tungaannut sulisartoq assersuutigineqarpoq.

Matumani akissutit atorfinitsitsineri sulisunillu attassiniarnermi tapinut tunngasortaqaangillat. Aalajangersimasumik atorfillit kisimik atorfinitsitsineri sulisunillu attassiniarnermi tapisiaqartinneqartarput. Ukiuni pingasuni malittuinnarni atorfeqarsimasunut tapisiaritinneqartartut amerleriartarput.

Nakorsamut ataatsimut akissaatinut ukiumut aningaasartuutit katillugit: 1.080.183 kr.-upput.

Nakorsamut atorfeqarnermi feriarsimanngitsumut feriaqarnersiutitut ukiumut tapisiaritinneqartartut 106.383 kr.-upput. Tassa ukiumut isertitai katillugit: 1.186.567 kr.-upput.

Sineriammi sumiiffinnut aalajangersimasumik atorfinittussanik nakorsassarsiorneq maannakkorpiaq ajornakusoorpoq. Taamaamat atorfinitsitsinissat piffissami sivikitsuinnarni isumaqatigiissuteqarfiusarnissaat naatsorsuutigineqassaaq. Taamaamat nakorsamut akissaatinut aningaasartuuteqarnerup saniatigut sapaatit akunneri sisamakkuutaarlugit nikittaallugit suliartortitanik nakorsaqaartitsineri aamma aningaasartuuteqarnissaq, Peqqinnissaqarfimmit naatsorsuutigineqarpoq.

Nakorsat nikittaallutik angalaneranni ullunut sisamanut ullormusiaqartitsineri aningaasartuuteqarnissaq aamma naatsorsuutigineqarpoq. Taakkualu ukiumut 135.000 kr.-t missaanniissangatinneqarput.

Nakorsat nikittaallutik angalanerannut tamatigut 30.000-40.000 kr.t missaanik aningaasartuuteqartarnissaq naatsorsuutigineqarpoq. Tamatumunnga ukiumut aningaasartuutit katillugit 390.000- 520.000 kr.-t missaanniissangatinneqarput.

Tassa naatsorsuutigineqartutut qulaani taaneqartunut feriaqarnersutissanullu ukiumut aningaasartuutit katillugit 1,7-185 mio. kr.-t missaanniissangatinneqarput.

2. Ittoqqortoormiuni ukiumut marloriaq qaammat ataatsimik sivisutigisumik nakorsaq suliarortinneqartalissagaluarpat qanoq akeqassava?

Akissut:

Ataatsimik Ittoqqortoormiini qaammammi ataatsimi nakorsaqartitsinermut akissaatinut 98.881 kr.-t missaannik aningaasartuuteqarfiusarpoq.

Apeqqummut siullermut akissummi nassuiarneqartutut nakorsaqartitsineq feriaqarnersutissat ilanngullugit ukiumut katillugit 1.186.567 kr.-t missaannik aningaasartuuteqarfiusarpoq, tassa nakorsaq Ittoqqortoormiini qaammammi ataatsimi sulisoq agguaqatigiissillugu 98.881 kr.-t missaannik qaammammusiaqartarpoq.

Tassa nakorsamut ukiumut marloriarluni qaammammi ataatsimi suliarortitamut akissaatinut ukiumut katillugit 197.762 kr.-nik aningaasartuuteqarfiusarpoq.

Tamatuma saniatigut atorfinitsitaanermi soraarnermilu angalanissamut aamma akiliunneqartarnerat aningaasartuutinik naatsorsuinernut ilanngunneqanngillat.

Peqqinnissaqarfiup qitiusumik immikkoortuini sullissineq pillugu allakkiap 2015-imeersup politikikkut akuerisap nakorsaqartitsinissamut peqqinnissakkullu sullissinernut allanut tunngasuni sullissinerit pitsaasussaannik aalajangiisuusoq, Peqqinnissaqarfiup erseqqissaatigaa. Ittoqqortoormiit 328-nik inoqartoq, kisitsisini 2026-mi januaarip aallaqqaataani saqqummiussani erserpoq (Najoqqutaq: Naatsorsueqqissaartarfik), illoqarfimmilu tassani peqqinnissakkut sullissineq peqqissaavinni minnerni sullissinertorpiarli ittoq oqaatigineqarsinnaavoq. Ittoqqortoormiit peqqissaaviani peqqissaasutut marluupput. Tappavani qarasaasiakkut nakorsartitsinerit Nuummi Dronning Ingridip Napparsimmavissuaniit pisarput.

Inuulluaqqusillunga



Anna Wangenheim